

## Universitätsbibliothek Paderborn

**Ioannis S. R. E. Cardinalis Bona Opera Omnia**

Tribus Tomis comprehensa

Opuscula Spiritalia - I. Horologium Asceticum. II. Principia Vitae Christianae. III. Manuductio ad Coelum. IV. Via Compendii ad Deum. V. De Sacrificio Missae. VI. De Discretione Spirituum ... Operum Eminentiss.  
Cardinalis, Tom. I

**Bona, Giovanni**

**Parisiis, 1677**

Caput. I. Scopus, & usus libri. Pro scriptione, & fine ad Deum oratio.  
Duplex via, qua itur ad Deum. Utriusque discrimina.

**urn:nbn:de:hbz:466:1-9969**

VIA  
**C O M P E N D I I**  
 A D D E U M  
*P E R   M O T V S   A N A G O G I C O S ,*  
*& ignitas aspirationes.*

C A P U T   I .

*Scopus, & usus libri. Pro scriptione, & fine ad Deum Oratio.  
 Duplex via, qua itur ad Deum. Virtusque discrimina.*

I.  ITAЕ sanctioris viam nosse volentibus brevi compendio indicare propositum mihi est, non meis, sed veterum Patrum monitis, ac documentis. Usus erit hujus Libelli, uti spero, non inutilis, nec injucundus. Nam cum plerique longum iter ad Deum, plenumque sentibus videatur; hauirent fortasse animo non modicam voluptatem, cum viam sibi facillimam, sed vulgo ignotam, proponi animadverterint, à qua labor absit, & longitudo. Nec erit hæc via scandalum mihi docenti, & non facienti: nam, ut quidam (a) vir sapiens scribit, *Docens aliquis plus dicit, & dicens saepe una audit cum iis qui ipsum audiunt: unus est enim magister & ejus qui dicit, & ejus qui audit, qui & mentem irrigat, & rationem.* Dirigens ergo pedes aliorum in viam pacis, & ipse incipiam ab omni via mala prohibere pedes meos: & cum perfecero gressus audientium me in semitis Dei; sequar ego, & exultabo sicut gigas ad currendum viam, quæ me ad verticem montis, ad tertium cœlum, ad caliginem, in qua Deus habitat, recto itinere vel pertrahat vel perducat.

a Clem. Alexand. 1. Strom.

II. Sed quia socordia depresso, & mundi hujus simulacra circumferens assurgere ad eum, qui posuit tenebras latibulum suum, sine ipso non possum; orationem præmittere par est, ut scientiarum Dominus, ductorque viæ ad supernaturalem illapsum, lumenque arcanum cor meum aperire, & mentem elevare dignetur.

Tu Domine, qui corda nosti omnium, (b) dirige me ad mysticorum oraculorum lucidissimum, indemonstrabile, & summum fastigium: ubi simplicia & immutabilia Theologiæ mysteria aperiuntur in caligine splendidissima silentii arcana docentis, quæ in summe tenebricosa obscuritate clarissimè superelucet, & pulcherrimis splendoribus mentes oculis captas superadimplet. Hic enim est scopus, hæc meta votorum meorum ad te pervenire principium & finem meum, & optatissimum centrum animæ meæ.

III. Duplex autem est via, per quam itur ad Deum, ut summi (c) viri asseverant. Unam vocant scholasticam, & communem: alteram mysticam, & secretam. Utraque est donum cœleste desursum descendens à Patre luminum, sed multiplex inter utramque intercedit discrimen. Illa humanum studium, & inquisitionem requirit, paucisque convenit altiori præditis literatura; hæc ubique, semper, & ab omnibus haberi potest. Illa speculativa, hæc practica. Illa propriè in intellectu; hæc in voluntate sita est. Illa exposita illusionibus, superbiæ, & curiositati, habet unde timeat; hæc tutò ac simpliciter ambulat, nihil querens præter Deum. Illa naturaliter cum phantasia & discursu operatur; hæc supernaturaliter cum pura & simplici intelligentia. Illa à scientia acquisita; hæc à donis infusis Spiritus sancti procedit. Illa angusta est, limites non excedens humanæ speculationis; hæc cor dilatat ad infinita, & omnem modum naturalis

<sup>b</sup> Ex Dion. Areop. c. 1. myst. Theolog. <sup>c</sup> Harph. lib. 1. p. 2. cap. 48. & lib. 2 p. 3. cap. 30. & p. 5. collat. myst. Theol. Victor. Gelenius in summa. præf. myst. Theol. part. 1. decis. 1. art. 3.

cognitionis transcendent. Illa longa, laboriosa, & difficultis: hæc brevis, expedita, & facilissima est. Illa ab infinitis incipiens, à pravorum scilicet habituum extirpatione, & tumultuantium affectionum moderatione, per studium virtutum, & vitæ activæ officia ad apicem perfectionis ascendit: hæc admirabili circulo ab amore incipiens ad amorem progreditur, & desinit in amore per motus anagogicos, & flammigeras aspirationes. *Est enim amor, ut (d) Plato etiam cognovit, circulus à bono in bonum perpetuò revolutus.* Illam alibi, (e) Deo duce, edocui: hanc breviter hic tradere animus est. Sed iterum ad Deum preces, ut mentem, & manum dirigat, & cor amore inflammet; occulta enim ipsius melius amando, quam ratiocinando intelliguntur, & explicantur. f

*Spiritus superum decus,*

*Sancta siderea domus*

*Aura labere cœlitus,*

*Aura sacra, ter optimi*

*Dia flaminis aura.*

*Spiritus radians veni,*

*Terror agminis inferi,*

*Efficax hominum salus,*

*Aura sacra, ter optimi*

*Dia flaminis aura.*

*Alma lux sapientiae,*

*Dulcis hospita mentium,*

*Cordis ardor amabilis,*

*Ima pectoris occupa*

*Igne peccatus adure.*

*Fausta nuntia gaudij,*

*Flamma pronuba gratiae,*

*Sancta lux animi veni,*

*Aura sacra, ter optimi*

*Dia flaminis aura.*

<sup>d</sup> In convivio, ubi doctè & fuse de amore. <sup>e</sup> In mea ad cœlum Manuductio.  
sc. f Ex Hymno elegant. Urbani VIII. ad Spiritum sanctum.